



I SLUZBA TARO PAVLE KO KORINT

„Tegani O Devel
vakerga e Pavlese
ko rakutno
dikiba: „Ma
dara,ker lafi
thaj ma
dara,sose Me
inum tuja thaj
nikoj nasti ka
povredini
tut,sose isiman
but narodo ko
akava gradi“

(Dela 18:9-10)



Ko poslanije ci ko Rimjanija, i Poslanije ci ko Korintija tane najbare poslanija pisime taro Pavle.

Duj zacuvime pisime lila tane pisime samo so nesave nedele razlika. Olende arakaja prakticna sovetija za o resiba taro pare situacije so iklovena taro nesoglasiba maskar ko prala thaj pejna.

Za pravilno te razbirina olengi poraka, prvo mora te cana o kontekst koleste tane pisime




O Glaso e Pavleso

Piriba ci ko Korint

O Gradi Korint

O Korintija

O Lila ci ko Korintija



O GLASO E PAVLESO

„O apostol, Pavle (na taro manusa, nitu preku manus, nego preku O Isus Hristos thaj O Devel O Dat, Kole voskresninga taro mule)“ (Galantite 1:1)

Palo 12 izbirime taro Isus, I Biblija spomeninela thaj javera apostolija sar soj tane o Matej (Dela 1:26), Varnava (Dela 14:4), Jakov thaj O Pavle (1 Korintjanite 15:7-9).

Sar O Pavle ulo apostoli?

Spored e Isuseso lafi (Gal. 1:1)

Keda ine izbirimo?

Tari utroba pe dajaki (Gal. 1:15)

Keda ine povikuimo?

Ko drumo kon Damask (Dela 22:6-7)

Kaso apostoli ine ov?

Taro neznaboscija (Dela 2:9)



Taro momenti taro oleso povik, o zivoto e Pavleso ine centririmo e Isuseso. Ov razmisinga za ko Isus, kerga lafi bashi O Isus, spodelinga e Isuse sarinencar.

Bashi akaja pricina, taro prvo momenti keda resla ko Korint, O Isus ine ko centar tari olengi poraka (1 Korintjanite 2:2).

PIRIBA CI KO KORINT


„Posle akala nastanija, O Pavle napustinga i Atina thaj gelo ko Korint“ (Dela 18:1)

Ko piro dujto misionersko piriba, O Pavle ine prinudimo taro Sveti Duh te cal ki Evropa (Dela 16:6-10). Odote ine civdo taro Filip (Dela 16:12,38-39), taro Solun (Dela 17:1,5,9-10) thaj tari Berija (Dela 17:13-14).

Ki Atina, otkeda propovedinga e Evrejenge ko sinagoge thaj e neznaboscijence ko pazari, ine povikuimo te propovedinel ko Areonapago (Dela 17:16-21). Ko jek elekventno govor, samo but hari prifatinge e Isuse (Dela 17:34).

Napustibaja i Atina, O Pavle gelo ko Korint thaj pridruzingape e Akilake thaj e Priskilijake, kolencar kerga buti keriba satorija (Dela 18:1-3).

Sar so ine olese o obicaj, ov pocminga te propovedinel e Evrejenge ko sinagoge, a palo odova e neznaboscijenge (Dela 18:4-8). Ko vreme ko prestoj ko Korint, thaj palo „razocariba“ tari Atina. O Pavle odlucinga te na sluzinelpa so manusikani mudrost, nego te propovedinel samo za „Taro Isus Hristos, thaj odova raspnimo“ (1 Korintjanite 2:2).



O GRADO KORINT

„Sose cacipase isi but „develja“ thaj but „gospodarija“ (1.Korintjanite 8:5)

O Korint ine sramnimo tari puv taro Rim ko 146 bers angleder amari era. Palo odova, O Julij Cezar bicalga kolojna tari vererime thaj slobodna manusa odori ko 46 to bers angleder amari era. Konecno, o gradi celosno obnovingape ko 44 bersa angleder amari era. Ci ko vreme keda O Pavle posetingale, ov ine vec vazno trgovsko centar.

O Vaznost taro Korint ine ki olesi lokacija, taro Korintsko istmus, nabduvime taro duj vazna trgovska pristap: Leheon, taro Korintsko Zaliv; thaj Kenhreja, taro Saronski Zaliv.

Olese delovna potfatija ovozmozinge e Pavlese te kerel buti sar izrabortuvaci o satorja. Ali, o barvalipe ko Korint (kova sajinga te sporedinelpa barvalipaja ki Atina) ine nesave so nedostasuinge.




O Idolpoklonstvo thaj o seksualno nemoral ispolninge o gradi thaj pronikninge olesi kultura. Baro delo tari poraka e Pavleso ci ko Korintjanite obedinela te iskorinel akala problemija so povlekuingepe ki crkva.



KORINTIJA

„Tegani O Devel Vakerga e Pavlese ko jek ratno dikiba: „Ma dara, nego ker lafi thaj ma cutin!“ (Dela 18:9)



Evreite ci ko Korint otrdinge i poraka, prinudibaja e Pavle te napustinel i sinagoga thaj te pocminel te srekinelpe e neznaboscencar ko kera odma ci ki sinagoga (Dela 18:4-7).

„I Iraniba so svedocinge maskar ko neznaboscija, sar thaj o prezir thaj o navrede taro Evreja, predizvikuinge bari dusevno bolka. Sumningape ki mudrost te obedinelpe te izgradinel crkva materijaleja so arakla adari“ (E.G.V, Hap strana 203).

Ko adava momenti, O Isus pojavingape ki ratno dikiba za da te ohrabrinel e Pavle te prodolzini pire bukaja makar ko Korintjanija, uveribaja deka isile but manusa kola ka prifatinen i poraka (Dela 18:9-10).



Zajaknimo tari akaja vizija, O Pavle acilo ko Korint jek bers tekvas (Dela 18:11).Konecno, o Evreja ange e Pavle angla ko sudo (Dela 18:12-13). Cikeda napustinga o Korint, vec ine osnovimi bari crkva (Dela 18:18).

O LILA CI KO KORINTJANIJA

„Sose javimo mange za tumenge, pralalen, taro manusa taro Hlov, deka maskar tumende isi kavge“ (1. Korintjanite 1:11)

1 Korintjanite 1-6



Informirimo taro Hlov za nesave problemija so postoinena ki crkva, O Pavle opomeninela za:frakcije;seksualna nemoral:sudije thaj prostitucija.

1 Korintjanite 7-16

I Familija taro Hlov anga lese o lil so nesavo puciba tari crkva koleste O Pavle odgovoringa ki vrska so:Brako, razvod; hrana zrtvuvano e idolenge; odnesiba ko bogoslužejne; upotreba taro duhovna darija thaj voskresiba.

2 Korintjanite

Akava tano o dujto poslanije kova tano zacuvimo,iako O Pavle pisinga panda nesave (mozda angla duj so prezivinge thaj/ili ko interval maskar olende). Ov pofalinga e Korintjanien za ko nacin koleste resinge nesave problemija,ali potikninelalen te diken o sveto maskar ki prizma taro Evangelie,izbegibaja ko vlijaniba tari okolno kultura.



„E Devlese glasija ko bare gradija na trebela te oven obeshrabrime taro bezboznost, nepravda thaj izopacenosť kolende tane povikuime te soocinen pe ci keda obedinenape te objavinen i sukar vest za spasenije. O Devel bi ohrabrinela sarinen so kerena buti ko akava nacin so isto poraka so deng e apostolese e Pavlese ko bezbozno gradi Korint: „ Ma dara, nego ker lafi thaj ma cutin, sose Me inum tuja taj nikoj nane te saj te kerel tuke steta, sose isiman but manusa ko akava gradi.“ Dela 18:9-10)... Ko sekova gradi, kozom thaj te ovel perdo so nasilstvo thaj kriminal, isi but cene kola, so soodvetno pouka, saj te ucinen te sledinen e Isuse. I Spasitelno vistina ko adava nacin saj te soopstinelpo 1000 manusenge vodibaja te prifatinen e Isuse sar olengo licno Spasiteli.“

E.G.V (Prorokija thaj Carija strana 207)